

UGOVOR

„Konsultantske usluge za analizu informacionih sistema“

Zaključen u Sarajevu između:

Zavoda zdravstvenog osiguranja Kantona Sarajeva, ul. Ložionička broj 2 (u daljem tekstu Ugovorni organ), kojeg zastupa direktor Mr.sc. oec. prim. spec. dr. Samir Turković

i
RSM BH d.o.o. (grupa ponuđača), koju čini i član konzorcija Teneco d.o.o. ul. Milana Preloga br. 12 (u daljem tekstu Dobavljač), kojeg zastupa direktor Lejla Kakanjo.

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem otvorenog postupka za nabavku „Konsultantske usluge za analizu informacionih sistema“, objavljenom na portalu EJN broj: 814-1-2-39-3-32/18 od 11.07.2018. godine, a u skladu sa Odlukom o izboru najpovoljnijeg ponuđača broj: 03-08-DŽ.K.-20875-OI/18 od 16.08.2018. godine, ponudom Dobavljača broj: 20/2018-067 od 09.08.2018. godine i tenderskom dokumentacijom broj 03-08-DŽ.K.-20875-TDOP/18 koji čine sastavni dio ovog ugovora.

Član 2.

Predmet ugovora je nabavka „Konsultantske usluge za analizu informacionih sistema“ što uključuje sljedeće:

1.) Opis sistema koji je predmet analize:

A) Interni informacioni sistem

Komponente internog informacionog sistema

Komponente ovog sistema se nalaze u Zavodu zdravstvenog osiguranja Kantona Sarajeva u server sali koja je predmet revizije:

- MI - Osnovni evidencioni sistem (zdravstveni osiguranici, osiguranja, doprinosi) – obuhvata pregled, unos i ažuriranje zdravstvenih osiguranika, članova obitelji, obveznika, doprinosa, pomagača, online interfejs sa poreskom upravom za razmjenu podataka.
- Blagajna – evidencija i izvještaji o prodaji obrazaca (zdravstvena knjižica, prijava i odjava članova, itd)
- Razmjena podataka sa apotekama - import recepata i izvještaji o procesiranim podacima

Platforma sistema

- MI i Blagajna:
 - Virtualizacija: Microsoft Hyper-V,
 - OS: Windows Server,
 - Baza podataka: Microsoft SQL Server
- Razmjena podataka sa apotekama:
 - Virtualizacija: Microsoft Hyper-V,
 - OS: Windows Server,
 - Baza podataka: Microsoft SQL Server

Hardware

- CISCO blade serveri
- EMC storage
- CISCO router
- CISCO svičevi
- SOPHOS UTM

B) Eksterni informacijski sistem I

Komponente eksternog informacijskog sistema

Komponente ovog sistema se nalaze u Kliničkom centru Univerziteta u Sarajevu u server sali koja je predmet revizije:

- Ambulantni IS i Bolnički IS – primarni, sekundarni i tercijarni nivo zdravstvene zaštite
- PACS - radiološki snimci
- ezOblak – elektronski servisi (eApoteka, eDoktor, eOsa) – Web aplikacije sa odgovarajućim web servisima
- Nije implementirano: Laboratorijski informacijski sistem

Platforma sistema

- Ambulantni IS i Bolnički IS:
 - Virtualizacija: VMWare,
 - OS: Red Hat Linux,
- Baza podataka: Progress OpenEdge
 - PACS - radiološki snimci:
 - OS: SUN Solaris,
 - Baza podataka: Oracle Database
- ezOblak -- elektronski servisi (eApoteka, eDoktor, eOsa):
 - Virtualizacija: VMWare,
 - OS: Windows Server,
 - Baza podataka: Microsoft SQL Server

Hardware

- CISCO blade serveri
- EMC storage
- CISCO router
- CISCO svičevi
- Fortinet UTM (virtual appliance)

C) Eksterni informacijski sistem II

Komponente eksternog informacijskog sistema

Komponente ovog sistema se nalaze u Zavodu zdravstvenog osiguranja Kantona Sarajevo u server sali koja je predmet revizije.

Interni Back-office procesi (računovodstvo, finansije, obračun plaća i stalna sredstva) su bazirani na sistemu Microsoft Navision i uključuju sljedeće funkcije:

- Kontni plan,
- Glavna knjiga,
- Knjigovodstvo,
- KUF/KIF,
- Plaće,
- Stalna sredstva

Platforma sistema:

- Microsoft Navision ERP:
 - Virtualizacija: Microsoft Hyper-V
 - OS: Windows Server,
 - Baza podataka: SQL Server

Hardware

- CISCO blade serveri
- EMC storage
- CISCO router
- CISCO svičevi

2.) Predmet nabavke

Konsultantske usluge analize informacijskog sistema koje trebaju obuhvatiti sljedeće:

- Analiza poslovnih i IT potreba Ugovornog organa po tačkama A), B) i C)
- Analiza i audit internih komponenti informacijskog sistema (opisanih tačkom A)
- Analiza i audit eksternih komponenti informacijskog sistema (opisanih tačkom B) i C)
- Poređenje poslovnih i IT potreba Ugovornog organa po tačkama A), B) i C) spram postojećih implementiranih funkcionalnosti za definisanje oblasti pokrivena kroz komponente informacijskog sistema po tačkama A), B) i C) - gap analiza poslovnih i IT potreba spram implementiranih rješenja

Konsultantske usluge trebaju obuhvatiti analizu i preporuke po sljedećim opcijama:

- **Opcija 1:** Održivost trenutnog načina funkcionisanja informacijskog sistema sa finansijskom procjenom investicija u informacijski sistem i troškova održavanja informacijskog sistema (*TCO - Total Cost of Ownership*) za period od 3 godine i za period od 5 godina. Ova analiza treba da obuhvati i sljedeće aspekte:
 - Procjena troškova završetka procesa implementacije IT sistema do pune funkcionalnosti kako je definirano u ugovorima sa postojećim dobavljačima (implementacija nedostajućih modula: LIS i ostalih definisanih ugovorima sa dobavljačima).
 - Obuhvat svih troškova koji se izdvajaju za održavanje informacijskog sistema prema informacijama koje će dostaviti Ugovorni organ.
- **Opcija 2:** Mogućnost zamjene pružatelja IT usluga (postojećih dobavljača) sa finansijskom procjenom investicija u informacijski sistem i troškova održavanja informacijskog sistema (*TCO - Total Cost of Ownership*) za period od 3 godine i za period od 5 godina. Ova analiza treba da obuhvati i sljedeće aspekte:
 - Procjena troškova završetka procesa implementacije IT sistema do pune funkcionalnosti kako je definirano u ugovorima sa postojećim dobavljačima (implementacija nedostajućih modula: LIS i ostalih definisanih ugovorima sa dobavljačima).
 - Mogućnost zamjene pružatelja IT usluga se postavlja kao alternativa opciji 1, a cilj je da se istraži mogućnost smanjenja operativnih troškova tako što bi održavanje sistema preuzeli ili drugi dobavljači ili interni IT tim uz eventualno zapošljavanje novih zaposlenika.
 - Obuhvat svih troškova koji se izdvajaju za održavanje informacijskog sistema prema informacijama koje će dostaviti Ugovorni organ.
- **Opcija 3:** Mogućnost potpune ili parcijalne zamjene informacijskog sistema sa finansijskom procjenom investicija u informacijski sistem i troškova održavanja informacijskog sistema (*TCO - Total Cost of Ownership*) za period od 3 godine i za period od 5 godina. Ova analiza treba da obuhvati i sljedeće aspekte:
 - Procjena troškova završetka procesa implementacije IT sistema do pune funkcionalnosti kako je definirano u ugovorima sa postojećim dobavljačima (implementacija nedostajućih modula: LIS i ostalih definisanih ugovorima sa dobavljačima).
 - Obuhvat svih troškova koji se izdvajaju za održavanje informacijskog sistema prema informacijama koje će dostaviti Ugovorni organ.
 - Mogućnost potpune ili parcijalne zamjene informacijskog sistema IT rješenjima koja su dostupna na tržištu za oblasti koje su pokrivena funkcionalnostima informacijskog sistema po tačkama A), B) i C)

Uz sve 3 opcije potrebno je napraviti analizu izloženosti osjetljivih podataka i specificirati mjere potrebne za unaprijeđenje zaštite ličnih/osobnih podataka. U okviru ove analize potrebno je također obuhvatiti i sljedeću analizu:

- Procjena opravdanosti investicije i estimacija kapitalnih i operativnih troškova potrebnih za izgradnju i implementaciju novog data centra koji bi bio smješten u prostorijama Ugovornog organa. Novi data centar treba da eliminiše nedostatke koje ima postojeća server sala.
- Procjena opravdanosti izmještanja opreme opisane tačkom B) u novi data centar sa ciljem:
 - Implementacije mjera kojom će se unaprijediti kontrola rada i nadzor trećih strana (dobavljača) u fizičkom pristupu sistemima Ugovornog organa i rad sa podacima Ugovornog organa

- o Razmotriti opciju kojom bi se postojeća lokacija iskoristila kao *Disaster Recovery* lokacija, dok novi data centar sa pripadajućom opremom bio primoviran u primarnu lokaciju na kojoj se nalaze opisani IT sistemi.

OBAVEZE UGOVORNIH STRANA

Član 3.

Dobavljač se obavezuje Ugovornom organu pružiti usluge koje su predmet ugovora, u skladu sa zahtjevima preciziranim u ovom ugovoru, na način i u rokovima regulisanim ovim ugovorom i pomidom dobavljača.

Član 4.

Dobavljač se obavezuje Ugovornom pružiti usluge iz predmeta ugovora, na način da će obezbijediti posebne uslove kako slijedi:

- Prije početka realizacije projekta, dobavljač će poslati listu potrebne dokumentacije koja će mu se staviti na uvid i korištenje za potrebe analize IT sistema.
Rok za ovakvu pripremu ne može biti duži od 10 dana od dana obostranog potpisivanja ugovora.
- Na osnovu dostavljene liste sa potrebnom dokumentacijom od strane Dobavljača, Ugovorni organ je dužan u roku od 10 dana od dana postavljenog zahtjeva dostaviti potrebnu dokumentaciju.
- Ovi rokovi nisu sasiavni dio dole navedenog roka potrebnog za impiementaciju ugovorom predvidenih aktivnosti.
- Realizirati predmetnu analizu u roku od 40 radnih dana (8 radnih sedmica), počev od dana zaprimanja gore navedene dokumentacije od strane Ugovornog organa, i treba da obuhvati sve aktivnosti potrebne za realizaciju ovog projekta uključujući i kreiranje odgovarajućih izvještaja, pripremu i održavanje radionica koje se odnose na prezentaciju rezultata analize i preporuke po sačinjenom izvještaju.
- Po završetku analize informacionog sistema, isporuke izvještaja i održavanje radionica koje se odnose na prezentaciju rezultata analize i preporuke po sačinjenom izvještaju, Dobavljač i Ugovorni organ će potpisati Zapisnik o prihvatanju izvještaja čime će se projekat smatrati završenim.
- Da će uz potpisivanje predmetnog ugovora, potpisati ugovor o povjerljivosti informacija (*NDA - Non-disclosure agreement* - primalac informacije se obvezuje čuvati povjerljivost dobivenih informacija i ne otkrivati ih trećim licima).

Član 5.

Prilikom analize postojećeg stanja i kreiranja prijedloga za unaprijeđenje IS Dobavljač je dužan da napravi analizu funkcionalnih i sigurnosnih nedostataka postojećih aplikacija i podsistema u odnosu na IT standarde iz oblasti zdravstva uključujući i procjenu sljedećeg.

- Troškovna analiza svake od navedene 3 opcije
- Rizike povezane sa svakom od navedene 3 opcije
- Mogućnosti i ograničenja svake od navedene 3 opcije

Analiza postojećeg stanja i prijedlog mjera za unaprijeđenje IS treba da obuhvati i sljedeće:

- Analizu iskorištenja postojećih licenci za sve IT podsisteme i poređenje iskorištenja tih licenci sa stvarnim potrebama Ugovornog organa, analiza trenutnog načina održavanja i prijedlog mjera za unaprijeđivanje održavanja sa ciljem postizanja finansijskih ušteta.
- Analizu troškova održavanja za usluge koje pružaju dobavljači i prijedlog mjera za unaprijeđivanje održavanja sa ciljem postizanja finansijskih ušteta i/ili unaprijeđivanje kvaliteta usluga.
- Analiza rizika sa stanovišta ovisnosti o pružateljima usluga (dobavljača) visokog rizika jer ne postoji način da se napravi efikasna zamjena ovih dobavljača za slučaj da te firme nestanu sa tržišta ili imaju

operativne probleme u pružanju ugovorenih usluga. U tom smislu potrebno je napraviti preporuke koje se odnose na tzv. izlaznu strategiju spram ovisnosti od ovih dobavljača.

Analiza rizika vezanih za dvije različite lokacije u kojima se nalazi oprema i IT sistemi Ugovornog organa. Prva lokacija koja je sjedište Ugovornog organa ne raspolaže adekvatnim uslovima, dok druga lokacija nije u direktnoj nadležnosti Ugovornog organa što otežava upravljanje IT sistemom. U tom smislu potrebno je napraviti odgovarajuće preporuke koje se odnose na unaprijeđenje data centra i primarnoj lokaciji do nivoa koji je u skladu sa standardima u IT industriji i konsolidaciju data centara (prebacivanje opreme i sistema sa udaljene lokacije na primarnu lokaciju).

Rezultat cjelokupne analize zajedno sa prijedlogom mjera za unaprijeđenje IT sistema će biti sačinjen u formi izvještaja uključujući i odgovarajuće prezentacije (minimalno dvije) pripremljene za rukovodstvo Ugovornog organa (fokus na postojeće nedostatke i potencijalne poslovne koristi ako bi se primjenile preporučene mjere) i za IT tim (fokus na postojeće nedostatke i potencijalne tehnološke koristi, unaprijeđenje održavanja, upravljivost, change management, itd. ako bi se primjenile preporučene mjere).

Član 6.

Ugovorni organ se obavezuje da u cilju odgovarajućih informacija, te objektivnosti i transparentnosti samog procesa analize IT sistema obezbijedi kontakt osobu Ugovornog organa (1 ili više članova u ovisnosti od potrebe Dobavljača –IT analiza, finansijska analiza itd...) za provođenje ovog Ugovora.

Član 7.

Ugovorni organ se obavezuje da će prihvatiti pružene usluge ukoliko iste odgovaraju ugovorenim, te da plati ugovorenu cijenu na način i u rokovima određenim tenderskom dokumentacijom broj: 03-08-Dž.K-20875-TDOP/18, ponudom dobavljača i ovim ugovorom.

Član 8.

Ugovorni organ se obavezuje da će obezbijediti sve potrebne informacije Dobavljaču, te omogućiti nesmetan pristup mjestu izvršenja ugovora. Dobavljač je upoznat i prihvata da svi podaci i informacije (u bilo kojoj formi: pisanoj, usmenoj, elektronskoj i sl.) koje mu dostavi Ugovorni organ, kao i saznanja koja stekne Dobavljač (ili njegovi zaposlenici) o Ugovornom organu, njegovim zaposlenicima i/ili osiguranim licima i njegovom poslovanju, predstavljaju strogo povjerljive podatke (poslovnu tajnu), te da iste ne smije ni pod kojim okolnostima stavljati na raspolaganje trećim licima, bez prethodne pismene saglasnosti Ugovornog organa. Rok tajnosti podataka je trajan, a detaljnija prava i obaveze u pogledu čuvanja povjerljivih podataka su definisana Ugovorom o povjerljivosti informacija (eng. NDA - Non-disclosure agreement).

Član 9.

Cijena nabavke usluga koje su predmet ovog ugovora ukupno iznosi 85.000,00 KM bez PDV-a, odnosno 99.450,00 KM sa PDV-om, prema tabelarnom pregledu:

Redni broj	Opis usluge	Količina	Jedinična cijena bez PDV-a	Ukupna cijena bez PDV-a
1.	Konsultantske usluge za analizu informacionih sistema	1	85.000,00 KM	85.000,00 KM
Ukupna cijena bez PDV-a				85.000,00 KM
Popust				
Ukupna cijena sa popustom bez PDV-a				
PDV na cijenu ponude (sa uračunatim popustom)				85.000,00 KM
Ukupna cijena sa PDV-om				14.450,00 KM
Ukupna cijena sa PDV-om riječima:				99.450,00 KM
Devedesetdevet hiljada četiristotine pedeset KM				

Dobavljač se obavezuje da će uslugu iz stava 2. ovog člana pružiti po ovoj ukupnoj cijeni u kojoj uračunat PDV i svi drugi zavisni troškovi.

Član 10.

Članu iz Člana 9. ovog ugovora Ugovorni organ će isplatiti u roku do 60 dana računajući od dostavljenosti ispravne fakture dobavljača za pružene usluge i potpisivanja Zapisnika o prihvatanju Izvještaja.

PRUŽANJE USLUGE

Član 11.

Mjesto pružanja usluge su prostorije Ugovornog organa u Sarajevu, na adresi Ložionička broj 2 i adresa Kliničkog centra Univerziteta u Sarajevu (Bolnička 25).

Član 12.

Dobavljač ima pravo na produženje ugovornog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

GARANCIJA ZA DOBRO IZVRŠENJE UGOVORA

Član 13.

Dobavljač se obavezuje dostaviti Ugovornom organu garanciju za dobro izvršenje ugovora u vidu bezuslovne originalne bankarske garancije prvoklasne poslovne banke, u roku od petnaest (15) dana od dana obostranog potpisivanja ugovora.

Iznos garantnog depozita će biti plativ Ugovornom organu kao kompenzacija za bilo koji gubitak koji bi bio prouzrokovan ako Dobavljač ne uspije da izvrši svoje obaveze po ovom ugovoru.

Visina garantnog depozita je 10 (deset) % od ugovorene vrijednosti bez PDV-a i neće iskazana u valuti ugovora ili u konvertibilnoj valuti prihvatljivoj od strane Ugovornog organa, sa rokom važnosti, vrijeme trajanja ugovora plus 60 (šezdeset) dana.

Ako Dobavljač ne dostavi garanciju za dobro izvršenje ugovora u roku iz stava 1. ovog člana, ugovor se smatra apsolutno ništavim.

NAKNADA ŠTETE

Član 14.

Ako Dobavljač zakasni sa pružanjem usluge, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa pružanjem usluge iz razloga koji nisu obuhvaćeni članom 12. ovog Ugovora, Ugovorni organ će Dobavljaču zaračunati penale u iznosu od 1 % od vrijednosti neisporučene usluge za svaki dan kašnjenja.

Član 15.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno proizrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

Iznos obračunatih penala po osnovu zakašnjenja u ispunjenju ugovornih obaveza i naknade proizroko štete iskazane kroz novčano potraživanje, međusobno se ne isključuju.

POŠTOVANJE SIGURNOSNIH POLITIKA UGOVORNOG ORGANA

Član 16.

Dobavljač je dužan osigurati upoznavanje svojih uposlenika sa sigurnosnim politikama Ugovornog organa i obezbijediti poštovanje tih politika od strane svojih uposlenika.

Obaveza je Ugovornog organa da Dobavljača upozna sa svojim aktuelnim sigurnosnim politikama kao i svim izmjenama tih politika, a Dobavljač je dužan da dostavi listu svojih stručnih lica sa nivoima pristupa.

Sastavni dio ovog ugovora čini i Ugovor o povjerljivosti informacija (eng. NDA - Non-disclosure agreement - primalac informacije se obvezuje čuvati povjerljivost dobivenih informacija i ne otkrivati ih trećim licima), potpisan između ugovornih strana.

PRESTANAK UGOVORA

Član 17.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana definisanih u članu 4. i 10. ovog Ugovora, a u svakom slučaju najkasnije 31.12.2018. godine.

Član 18.

Ugovor može prestati i prije njegovog izvršenja, u slučaju raskida. Ugovorni organ može raskinuti ovaj ugovor:

- ako Dobavljač ne izvršava ugovorne obaveze
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u izvršenju usluge koje su predmet ugovora takvo da može dovesti u pitanje izvršenje ugovora.

Zbog zaostajanja u izvršenju pružanju usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Ukoliko se ugovor raskine zbog krivice Dobavljača, prije izvršenja ugovornih obaveza, Dobavljač je u obavezi platiti Ugovornog organu štetu u iznosu od 40 % od ukupne ugovorene cijene iz člana 9. ovog Ugovora.

Član 19.

Ugovorni organ će raskinuti ugovor sa Dobavljačem ukoliko se ustanovi da ponuđena usluga koja je zadovoljila zahtjeve u ponudi, nije jednaka pruženoj usluzi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 1 % za svaki dan kašnjenja u plaćanju.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 20.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana.

Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 21.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 22.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 23.

Ukoliko ugovorne strane ne potpišu Ugovor na istovjetan datum, danom stupanja na snagu ovog Ugovora ima se smatrati kasniji datum potpisa.

Član 24.

Sastavni dio ovog ugovora su:

- Tenderska dokumentacija broj: 03-08-Dž.K.-20875-TDOP/18;
- Odluka o izboru broj: 03-08-Dž.K.-20875-OI/18 od 16.08.2018. godine;
- Prihvaćena ponuda Dobavljača broj: 20/2018-067 od 09.08.2018. godine;
- Ugovor o povjerljivosti informacija (eng. NDA - Non-disclosure agreement)

Član 25.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ
RSM BUD o.o.
Ljilja Kakanjo



Broj: 20/2018-067

Datum: 20.09.2018.

UGOVORNI ORGAN
ZAVOD ZA PRAVSTAVNO OSIGURANJE
M. J. Turko
Broj: 03-08-Dž.K.-20875-UG/18
Datum: 19.09.2018. godine

